

Headline	Tayangan klip video kejayaan dan pengorbanan anggota TLDM sempena sambutan Hari		
MediaTitle	Utusan Borneo Sabah		
Date	29 Feb 2020	Color	Full Color
Section	General News	Circulation	11,223
Page No	5	Readership	33,669
Language	Malay	ArticleSize	392 cm ²
Journalist	YUSOP TEPPU	AdValue	RM 1,592
Frequency	Daily (EM)	PR Value	RM 4,775



Tayangan klip video kejayaan dan pengorbanan anggota TLDM sempena sambutan Hari TLDM April depan

Oleh Yusop Teppo

SANDAKAN: Sambutan Hari Tentera Laut Diraja Malaysia (TLDM) sempena Ulang Tahun Ke-86 pada 27 April depan, bakal menyaksikan fungsi dan peranan anggota TLDM dalam memastikan keselamatan negara sentiasa terkawal sebilang masa.

Pihak TLDM akan menayangkan sebuah klip video kepada umum yang berkaitan dengan dua perkara iaitu kejayaan dan pengorbanan pasukan itu sejak 86 tahun penubuhannya.

Panglima Markas Wilayah Laut 2, Laksamana Muda Dato' Sabri Zali berkata sebenarnya telah banyak pengorbanan anggota TLDM cuma tidak diuar-uarkan kepada umum.

Beliau berkata dengan paparan klip video yang akan ditayangkan di media elektronik dan sebagainya memberikan peluang kepada masyarakat umum untuk berkongsi segala kejayaan dan pengorbanan mereka selama ini.

Katanya, selain mengadakan pelbagai aktiviti seperti lawatan umum ke kapal TLDM dan perbarisan khas anggota namun pihak TLDM juga ingin mengisi sambutan ulang tahun pada kali ini dengan meningkatkan kesedaran masyarakat umum seluruhnya.

"Sebagai contoh, pengorbanan anggota kita tak mengira pangkat atau usia sentiasa

berkorban sebilang masa... pengorbanan mereka amat berat sekali dari segi masa dan keluarga semata-mata untuk kedaulatan negara.

"Saya percaya dengan terbitnya klip video yang memaparkan kejayaan dan pengorbanan anggota TLDM yang bakal dipertontonkan kepada umum secara berkala di media elektronik sempena sambutan itu, ia akan meningkatkan kesedaran," katanya.

Sabri bercakap kepada pemberita semasa sidang akhbar pada Majlis Perbarisan Tahunan Panglima Wilayah Laut 2 (PANGWIL-LA 2) dan Majlis Perjumpaan Bersama Warga MAWILLA 2 di Padang Kawad, Pasukan Simpanan Tentera Laut (PSTL) Sandakan dan Dewan Mohd Azim TLDM, Taman Samudera, di sini semalam.

Dalam pada itu, beliau berkata keadaan di perairan negeri ini adalah terkawal kerana pengawasan 24 jam oleh kapal-kapal TLDM.

Menurutnya, kapal TLDM berada di laut 24 jam sehari iaitu bersamaan tujuh hari seminggu dan 365 hari setahun.

Sabri juga turut berkongsi pada tahun 2018 yang lalu, salah sebuah kapal TLDM telah berada di laut selama 262 hari dari 365 hari itu.

"Bayangkan pengorbanan anggota kapal yang terpaksa meninggalkan keluarga dan anak isteri demi memberikan khidmat bakti terhadap keamanan negara, inilah



PERBARISAN: Sabri melakukan pemeriksaan perbarisan anggota-anggota TLDM sempena majlis itu.



TAHNIH: Sabri menyampaikan anugerah kepada salah seorang anggota TLDM sempena majlis itu.

salah satu contoh pengorbanan dalam menentukan kedaulatan negara sentiasa terpelihara," katanya.

Majlis Perbarisan Tahunan itu dibuat bersempena dengan genap setahun beliau sebagai Panglima Wilayah Laut 2 di Markas Wilayah Laut 2

(Mawilla 2) di bandar ini.

"Perbarisan tahunan yang diadakan tadi amat penting bagi memupuk disiplin anggota agar sentiasa berdisiplin dan kemas, selain memiliki penampilan yang menarik... saya bangga dan puas hati," katanya.



ALBUM: Sabri (duduk tengah) bersama pegawai-pegawai TLDM yang lain bergambar kenangan.